

Festival di Buki pa nos Muchanan

Buki den wega, pianan na careda! Festival di buki pa mucha

ORANJESTAD-- Cu un cantidad di mas di 13 autor di buki pa mucha di Aruba, Boneiro, Corsou, Hulanda y Costa Rica, Biblioteca Nacional Aruba lo inicia, diabierna 1 di november 2013, e Festival di Buki custumbra pa nos Mucha, cu lo extende te cu dia 8 di november, y lo tin como lema: Buki den wega, pianan na careda! E tema e aña aki ta, Deporte y Wegu. Comision di Festival di Buki

pa Mucha y empleadonan di Biblioteca Nacional Aruba, cu hopi empeño pa basta dia caba, ta trahando pa organisa e proximo evento cu ta bira un biaha mas uno, fabuloso! E autornan di e festival lo bishita e scolnan y tambe lo presenta nan mes, pa parti merdia na biblioteca di Oranjestad y e filial na San Nicolas. Tambe Biblioteca Nacional ta brinda un tayer pa maestronan

di scol basico y preparatorio, pa nan cera conoci cu e tema di e Festival, pa duna nan idea y material pa nan por uza na scol.

Esaki lo tuma luga dia 30 di september te cu dia 3 di october 2013.

Pa 21 aña caba Biblioteca Nacional Aruba ta organisa 'Festival di Buki pa Mucha' pa promocion di lesamento, pa haci'e mas agradabel pa cada mucha.



Festival di Buki pa Mucha 2013 ta priminti di ta uno hopi interesante y educativo, tanto pa e mucha- su mayor- como pa e maestronan. BNA kier a probecha e oportu-

nidad di yama un y tur, bon bini na e apertura di e Festival di Buki pa Mucha, dia prome di november 2013, di 6 or pa 8 di anochi, dilanti di e edificio di BNA. □